

“A duti quii che ‘i ha i CD co’ le mie canson”



by: *Aldo Tognon* - volume n. 1

...Gnissun sènte più incuo de ‘i mie CD canson,
ma se le polarà vignì archiviae de garghe parte
cu sà che un zorno, magari in sotovose,
gargun turni a cantàne un ritornelo.

Me no’ sarè, ‘chè prima o dopo tòca, ma
se de canson n’ he fàte quasi cinquanta,
sia de laguna, amor e altro no’ dìgo,
garguna de siguro restarà in mente.

Cussì tra diese, vinti o trenta ani,
cô de moderno e computerizao ‘l Festival sarà,
'nte 'l vecio archivio gargun 'ndarà sgrapiando
e, 'tao 'l PiCì o 'l Aipod, el 'scoltarà.

E sarà testi de paluo, cason, sieli e tramunti
e valser, blues, pop-rock ma ninte tanghi...
'che me piaveva i Bitle e i Roliston', Elvis o Vasco
e i melodici italiani me fèva solo fresco.

E 'lora ... si, siguro i dizarà: “zè antichitae,
zè strafanici, zè storie ormai passae...
ne 'vemo zà sintie de 'ste canson a milanta...
zè duto roba vecia che ormai nissun più canta !”

Cussì, ciapai i CD e i spartiti musicali
duto fracao e serao 'nt' un scatolon sarà
e, dopo un do preghiere e un ato de dolore,
de sora i scriverà: “ qui giace “Gravo mòre”...

* * *




Musician's Friend

Best Selection, Price & Service. Guaranteed.

— SPECIAL EDITION —
RECORDING FOR
Guitarists

UNPLUGGED

canzoni di Aldo Tognon



“ Aqua dolse e aqua salàgia “

**Xe un posto sconto in te'l gnò cuor
'ndola che strento scondo un fior,
xe un fior de àrzene de fango
che m'è catào e fàto mio.**

**Xe un fior che'l xe senplice e belo
e i basta poco pe' fiurì ...
i basta un poca de aqua dolse
e un poco de salso de mar.**

**Quando la bava xe, liziera,
elo 'l se lassa (a) caressà
ma quando sùffia 'l vento forte
in tra 'l caneo a logasse 'l và.**

**Tu sòn tu 'l fiume e me sòn el mar,
sèmo aqua dolse e aqua salagia
che tien in vita questo fior,
che fà fiurì 'sto nostro amor.**

**E su 'sto mar de aqua missiàgia,
de aqua dolse e aqua salàgia,
a volte torgolo è portao
ma co' tu s'à stiarò 'l fondao.**

**Se sburta forte le restie
o se fà gurghi la corente
strenzèmo insieme i nostri cuori
e protegèmo 'l nostro fior.**

**Tu sòn tu 'l fiume e me sòn el mar,
sèmo aqua dolse e aqua salàgia
che tien in vita questo fior,
che fà fiurì 'sto nostro amor.**

“Balandò co’l mar”

Xe zà tardi, vièn zò sera
e drio de ‘l orizzonte
‘l sol se sconde zà.
I sò raji pian pian
se descòla ‘nte’l mar ...

Timida ‘na stela spùnta,
nuoli che i core lontan
e le onde che s’è ‘ndormensao,
le dòndola pian.

Là, su’l golfo, un prao de blu,
le barche le pàr fiuri
e pigre e lente le vè.
Un feral ‘l s’è ‘npigiào
e corcai a svolà ...

I ultimi raji de sol
scolda i pensieri che hèn,
e la bava liziera li porta
a torzio pe’l mar.

Su la spiaggia, in controluce,
xe do morusi a spasso
a man in tè la man,
mile pensieri che svola
de sora ‘l sabion ...

Sènto gargossa in tè l’aria,
vose che vièn de lontan
e ‘l gnò cuor ‘l fà un giro de valser
balando co’l mar.

Sènto gargossa in tè l’aria,
vose che vièn de lontan
e ‘l gnò cuor ‘l fà un giro de valser
balando co’l mar.

“ Che zornada sarà ... ”

**In t’un mar de silensio co’ gnanche un respiro
‘na lume se ‘npîgia, un fiama a brilà;
de drio ‘na cultrina do oci che vânda
e un pensiero che sòrte: che zornada sarà ...**

**Passi svelti i se move in silensio e felpai,
un cuciar, un scartosso, ‘l cafè xe de fà;
su ‘l fornello i avansi de sena restài,
‘ntè la scafa xe piati che gargun lavarà.**

**La batèla xe pronta, la ‘spèta in cavana
co’ i cuguli e le ree zà muciai soto prova,
le fôrcole e i rimi, ‘l timon e la vela
prunti pe’ navegà: che zornada sarà ...**

**‘Ntè ‘l scuro de ‘l sielo xe stele che dorme,
intè ‘l mar de silensio gnanche un respiro
e zà l’alba stiarisse ‘l mar de l’oriente
e anche i nuoli che i vâ: che zornada sarà ...**

**Drento ‘l silensio de un leto desfào
no xe più respiri, gargun s’â zà alsao,
e davanti a ‘l so’ specio un onbra vistîa
la pensa a quel sogno che ‘l xe zà ‘ndao via.**

**La foto pusàgia su quel comodin,
co’l sovo soriso sbociao comò un fior,
el vestîo de novissa splendente de bianco
e ‘l sò viso felisse co’l so’ amor al so’ fianco.**

**Quanti sogni sognai e ricordi svanii;
quanto tempo passào che poco i à dào
e preghiere pe’ i figi che xè a navegà
sora mari lontani: xe la vita che vâ ...**

**‘Ntè ‘l scuro de ‘l sielo xe stele che dorme,
intè ‘l mar de silensio gnanche un respiro
e zà l’alba stiarisse ‘l mar de l’oriente
e anche i nuoli che i vâ: che zornada sarà ...**

“ Gravo xe bela “

Duti i me dise
che ‘i vòl ‘ndà via de quà,
che no’ se pòl vè,
no’ se pòl più restà,
che no’ xe rason a continuà
de vive in ‘sta Gravo.
Gravo xe bela
ma xe massa casin,
l’istae la xe curta
e xe poco in taquin:
pe’ i oltri xe belo
’ndà su e zo pe’l Vial
co’ in man un bon gelato
o fermasse ‘nte’i bar.

Xe pien de boteghe,
ristoranti un balon,
de feste, de sagre
e manifestassion:
xe cargo de siuri
che ‘i spende e che ‘i spande
in ‘sta Gravo.
Gravo xe bela
co’ spiaggia e laguna
ma pe’ fà le fèrie
te vòl ‘na fortuna:
in pien de l’istae
su e zo pe’ ‘sti mari
xe panfili e yacht,
ma i pressi i xe cari.

Duti che ‘i dise
che ‘i vòl ‘ndà via de quà,
che no’ i pòl più vè,
no’ i pòl più restà:
ma no’ xe mai nissun che pàrte,
che lassa ‘sta Gravo.
Gravo xe bela d’inverno e d’istae,
in spiaggia o in laguna,
in batèla o a cason,
co’ amissi, co’ feste,
de nosse o batiso ...
in ‘st’ isola quà
xe comò ‘l paradiso !

A me,
me piazze stà quà a Gravo,
de vive cussì no’ ganbiaravo:
no’ xe un altro posto
più belo de quà !

“ Mar de silensio “

Anche ‘stasera sòn perso ‘nte’l mar
de la gnò solitàe ...
I mie pensieri i v`a in serca de tu,
de tu ormai ‘ndagia via.

Solo silensio intorno de me,
e ‘l mar che ormai za ‘l dorme
insieme a dute le stele la sù,
sbociàe comò le rose ...
sbociàe comò le rose...

Drento ‘sto cielo più scuro de ‘l blù
me p`ar de vèghe ‘l to’ viso,
quii tovi oci comò diamanti
e anche ‘l tovo surìso.

E ‘l cuor me dize de navegà,
issà la vela granda,
de velisà in ‘sto mar de silensio e
sercà quel che me manca ...
sercà quell che me manca ...

Xe questa vita senza de tu
che m’`a cav`ao anche ‘l anema.
Xe comò ‘vè un cortelo ‘nte’l cuor,
una ferìa che sanguena.
Xe comò ‘vè un cortelo ‘nte’l cuor,
una ferìa che sanguena.

Anche ‘stasera sòn perso ‘nte’l mar
de la gnò solitàe,
e ‘l cuor me dize de navegà,
in ‘sto mar de silensio ...

“ L amico “

Gero for a l’oltra sera
co’ i amissi in ostaria,
gera canti e gera fumo,
gera tanta confusion.
Ma intè’l mezo de la zente
è rivisto un viso antico:
de la scuola e fin de grandò
gera stào ‘l più grandò amico.

L’è ciamào e l’è ‘brassào
comò ‘l fòssa gnò fradel,
può ‘i è dào un bicier de vin
chè brindemo a’l so’ ritorno:
”No tu sòn ganbiao pe’ ninte,
tu sòn senpre restao quel ...!”
Gera tanti ani fà
che ‘l xe ‘ndào lontan pe’l mondo.

‘Desso cònteme de tu,
che t’ à fàto, la to’ vita ...
se tu t’ à catào ‘na femena,
vùo figi, ‘na famegia.
Tu sòn senpre stào ‘l più bravo
de balon e de la scuola,
sòn convinto che t’ à soldi
e tu fà ‘na vita bela.

‘L me risponde che ”...la vita
a le volte la xe avara
e che i sogni che se fà
miga senpre no’ i se avèra ...”
che ‘l à ‘vùo quell che ‘l a’ vùo,
tenporai e giurni beli,
vento contro e vento in pupa,
sieli azuri e sirocai ...”

“Sòn tornaio pe’ veghe ‘l mar,
la gnò casa, i mie amissi ...
pe’ no’ smentegà i ricordi,
quel che à visto quiisti oci,
ma me tòca ripartì,
xe la vita che me ‘spèta ...”
Può ‘l m’ à fàto un gran soriso,
un saludo e ‘l xe sparìo.

Gero fora l’oltra sera
co’ i amissi in ostarìa,
gera canti e gera fumo,
gera tanta confusion.
E pensevo a quel gnò amico
de la scuola e fin de grandò,
ma ‘l so’ viso e ‘l so’ soriso
'desso no, no lo ricordo più ...

“ Na vela “

'Na vela che ormai xe lontan
xe 'sto amor, che 'l vento
la pòrta senpre più in là.
'Na vela co' i culuri smarii,
che no' l'è più nissun che la guida
e la fâssa tornà.
'Na vela co'l nostro destin
che s'è perso e confuse 'nte'l scuro
e 'nte'l fondo de'l mar,
che la se pòrta via i nostri sogni,
le speranse e le nostre ilusion
e che pe' oltri mari
lontan li portarà.

'Na vela che ormai xe lontan
xe 'sto amor, che 'l vento
la pòrta senpre più in là.
'Na vela co' i culuri smarii,
che no' l'è più nissun che la guida
e la fâssa tornà.
Un vento che la sbùrta lontan
xe 'sto mal che à ciapao i nostri cuori
che no' i ciàcola più:
xe comò 'l vento fredo d'inverno,
comò in meso d'un temporal,
ch 'l te 'ngèla anche l'anema
e 'l pòl fate 'fondà.

Xe 'sto amor ormai 'na vela lontana
co'i nostri sogni, speranse e ilusion,
che de sola, lontan pe' oltri mari,
la 'ndarà a navegà ...

“ El deserto de Las Vegas “

Incùo ‘l sielo xe scuro
e ‘l vento ‘l suffia forte,
restie co’ sbruma bianca
cavalca fora in mar.
Xe cavaluni mati
su questa prateria,
che no’ i perdona ninte
e duto i porta via.
‘Sto mar el fà paura
ma sfidarè la sorte:
calà zò le mie ree
e vinse comò a carte.

Ma quà no’ xe Las Vegas
e un tavolo de poker:
xe ‘l zogo de la vita,
xe ‘l zogo de la morte.

El svòla comò frece
‘l sabion sora de i dossi
e duto quanto gira
comò in t’una roulette.
No’ nàvega nissun,
xe svodo ‘l orizzonte,
‘sta spiaggia la me pàr
el deserto de Las Vegas.
E quando ‘sta zornàda
al fin la finirà
gargun sarà che à vinto,
gargun che perdarà.

No, no tu pòl sbalià
pe’ sora de ‘sto mar,
‘sto mar che xe comò
‘l deserto de Las Vegas ...

“ Ma che zornada bela “

In tra i casuni e ‘l paluo
la v`a la gn`o bat`ela
e de gurghi e sbruma bianca
la l`assa drio la s`ia.

Le onde le ‘car`essa
i `arzeni de fango
e le f`a a pieg`a ‘l caneo
che ‘l p`ar a salud`a.

El foribordo, alegro,
canta la s`o canson ...
'na bava fresca xe:
ma che zornada bela !

Sora ‘na br`icola
un corcal ‘l s’`a pusao,
forsi ‘l xe stanco
o forse ‘ndormensao.
Xe do garz`ete
che svola, pi`u in l`a,
e garghe sievolo ‘l s`olta ...
fiuri de tapo a miera.

El sol s’`a discolao
de drento de ‘sto mar,
st`ago tornando a casa,
pontando a’l canpanil.

Iss`ao `e anche la vela,
la bava xe liziera ...
la gn`o bat`ela svola:
ma che zornada bela !

“ Verso l’altar ”

Incuo la Ciesa
piena de zogia xe:
co’ fiuri e canti,
amissi e parentai.
I xe za duti prunti
pe’ fâ festa,
e ”viva i spusi”
i ne dize co’l cuor.

Xe tanti visi ‘ntorno,
tanta zente,
ma i gno oci
i vânda solo tu.
Sènto le mane
dute che me trèma
e la boca
no’ ‘riva a ciacolà.

‘Ndèmo verso l’altar
comò core su ‘n prao,
comò i nuoli o do vele su’l mar.
Tu vistîa comò un zilgio,
’l gno cuor che me scòpia,
la to’ ànema è drento de me.

‘Ndèmo verso l’altar
comò core su ‘n prao,
comò i nuoli o do vele su’l mar.
‘Ndèmo verso l’altar
’l gno cuor che me scòpia,
la to’ ànema è drento de me:

”finalmente la gno sposa tu sòn ...”

“ Anche stasera “

Anche stasera in ogni casa
una luse la se ‘npigiarà,
comò le stele su in sielo
a miera le brilerà ...
E se gargun sora in alto
‘l podessa a svolà
e dà un ociada a quel che xe zò,
in te la note ‘l vegarave un sielo
al posto de’l mar.

I torna a casa duti quanti
e pian, pian, le famegie se fà,
cu xe torna de la Ciesa,
l’oficina, de botega o cantier.
le tole zà pareciae, duti quanti sentai,
la sena pronta, i piati ‘npignii ...
fora i camini vièn un profumo de mar
e la luna a vardà.

Pàr ‘ste casete un disegno,
un presepio pe’ sora de’l mar,
se tu vulissi a fà un quadro cussì
no’ bastarave ‘l color ...
quel che tu vighi ‘l te resta ‘nte’i oci,
’n poco a la volta ‘l te fà ‘namorà,
in te le vene ‘l to’ sangue se scolda
e fin drento de’l cuor.

Xe un alba nova, grisa e freda
e 'l sol 'l xe 'ncora 'ngelao,
pàr 'sto paese che 'l dorma,
però gargun s'à za alsao
e 'ncora un zorno de più
su'l calendario sarà
co' tante storie de vite che và:
un oltra pagina de scrive e de leze
de questa citae.

Anche stasera in ogni casa
una luse la se 'npigiarà,
comò le stele su in sielo
a miera le brilerà ...
e 'ncora un zorno de più
su'l calendario sarà
co' tante storie de vite che và:
un oltra pagina de scrive e de leze
de questa citae.

“ Sabion sòra i dossi “

De i sogni ch' è vùo
no' è nianche un ricordo,
ma è solo ferè
che 'l tenpo à lassao.

He un cuor pièn de i giurni
de 'l tempo zà stào,
de miera de storie
che no' l' à mai contao.

E 'ncora de fà
varè un ultimo viaggio,
de 'ndà controvento,
'ndà fora intè 'l mar.

'Ntè 'i oci è i riflessi
de mile tramunti,
de miera de stele
e de vele su 'l mar

Adesso xe tardi
a podè tornà indrio,
de fà un oltra rotta
e lontan velisà.
'Ntè 'l cielo xe nuoli
che i còre a ponente,
e 'l sabion sòra i dossi
'l svola lontan.

'L sol s' à puzào
sòra de 'l orizzonte,
'l se varda intè 'l specio:
pàr un mondo a metà.
'Ntè 'l cielo xe nuoli
che i còre a ponente,
e 'l sabion sòra i dossi
'l svola lontan.

'Ntè 'l cielo xe nuoli
che i còre a ponente,
e 'l sabion sòra i dossi
'l svola lontan.

“ Un lento co’ tu “

*Stasera de novo co’ tu
in meso a la zente,
in meso a la musica
tra cocktails e whiskey ...
'i è dàu anche la mancia a 'l D.J.
'che 'l mèta la nostra canson:
un lento per tu.*

*La luse sofusa de 'l bar,
i laser che brìla 'nte'l scuro,
in pista xe pochi che bàla,
la musica lenta la và ...
te strenzo e me digo tra me:
stasera te vògio portà
in t'un posto lontan, via de quà.*

*Là, xe solo dossi e sabion
co' do tamarisi,
i raga de sol che ne scolda
e i nostril surìsi,
e i oci i se ciacola sulì,
no' serve parole:
xe solo 'l silensio de 'l mar.*

*Vògio tornà 'ndrio inte'l tempo
e vive in t'un oltra realtae,
'ndà via comò do vele inte'l vento,
lontan, via pe'l mar velisà ...*

*Ma un refolo fredo de vento
'l me pòrta de novo lontan
e sênto la musica
e 'l tovo respiro ...
alora te strenzo de più
e torno a balà
un lento co' tu.*

“ Per tu “

Fogie de autuno
le svola lontan
e cussì i gnò pensieri
che i serca de tu.
‘Nte’l scuro de la note
no’ sè ‘ndola che tu sòn,
ma i gnò sogni vògio date
duti quanti e de più.

Se fòsso i nuoli che core
Se fòsso vele che v`a
Se fòsso ‘l sielo a ‘l tramonto
o l’alba su’l mar.

Neve de inverno
la càge zo pian
e ‘nte’l fredo silensio
la st`a insieme a ‘sto cuor.

Se fòsso stele ‘nte’l sielo
Se fòsso i fiuri su ‘n prao
Se fòsso bava liziera
o le onde de’l mar.

Se fòsso giosse de piova
Se fòsso stele de mar
Se fòsso un fior de laguna
o i razi de’l sol.

Se fòsso i nuoli che core
Se fòsso vele che v`a
Se fòsso ‘l sielo a ‘l tramonto
o ‘ncora de più... per tu.



A.Tognon @ Copyright